



BOSNIA AND HERZEGOVINA
MINISTRY OF FINANCE
AND TREASURY

Broj: 05-02-1-9921-1/19
Sarajevo, 25.12.2019. godine

SVIM BUDŽETSKIM KORISNICIMA

PREDMET: Obavještenje - Instrukcije

Na osnovu člana 12. Zakona o finansiranju institucija Bosne i Hercegovine („Službeni glasnik BiH“, br. 61/04, 49/09, 42/12, 87/12 i 32/13), obavještavamo vas da je usvojen Zakon o budžetu institucija BiH i međunarodnih obaveza BiH za 2019. godinu dana 20.12.2019. godine i dostavljamo vam tabele o odobrenim budžetskim sredstvima za 2019. godinu.

Na osnovu odobrene alokacije sredstava iskazane u Budžetu po sintetičkim ekonomskim kategorijama, a u cilju održavanja budžetske ravnoteže svi budžetski korisnici obavezni su, u skladu sa usvojenim Zakonom o budžetu institucija BiH i međunarodnih obaveza BiH za 2019. godinu, Ministarstvu finansija i trezora BiH dostaviti usaglašene tabele godišnjih operativnih planova (dinamike rashoda), iskazane po mjesecima, **najkasnije do 10.01.2020. godine.**

Budžetski korisnici su obavezni pridržavati se odredaba „Instrukcije o načinu sačinjavanja operativnih planova za izvršavanje Budžeta institucija BiH za 2019. godinu i o načinu praćenja programa posebnih namjena“ prilikom sačinjavanja operativnih planova rashoda i izdataka za 2019. godinu, koje vam dostavljamo u prilogu zajedno sa tabelama.

Prilikom sačinjavanja operativnih planova za period januar – decembar 2019. godine, korisnici su obavezni alokaciju budžetskih sredstava, popuniti na način da u Tabeli 1a. iskažu planirana i odobrena sredstva i na analitičkim i na sintetičkim kategorijama, dok ostale tabele treba iskazati samo na sintetičkim kategorijama. Tabele operativnog plana moraju biti potpisane i ovjerene od strane odgovornih lica budžetskog korisnika.

Ministarstvo finansija i trezora skreće pažnju svim budžetskim korisnicima da su dužni prilagoditi aktivnosti raspoloživim sredstvima usvojenim u Zakonu o Budžetu institucija BiH i međunarodnih obaveza BiH za 2019. godinu.

Ukoliko budžetski korisnici imaju veće izvršenje rashoda i izdataka nastalih po pravilima privremenog finansiranja institucija BiH u toku 2019. godine, Ministarstvo finansija i trezora upućuje budžetske korisnike da su dužni prethodno podnijeti zahtjeve za prestrukturisanje rashoda prema stavkama iz usvojenog Budžeta za 2019. godinu i Instrukcijama o prestrukturisanju rashoda korisnika za 2019. godinu, a

najkasnije do 31.12.2019. godine. Nakon odobrene odluke o prestrukturisanju rashoda korisnika za 2019. godinu, budžetski korisnici su dužni dostaviti operativne/dinamičke planove korisnika za fiskalnu 2019. godinu.

Budžetski korisnici, kojima su odobrena sredstva za nabavku stalnih sredstava, odnosno kapitalnih izdataka iz budžetskih sredstava na ime opšte namjene (fond 10) i za nabavku stalnih sredstava, odnosno kapitalne izdatke za programe posebne namjene iz različitih fondova, obavezni su Ministarstvu finansija i trezora dostaviti **namjensku strukturu za nabavku stalnih sredstava, odnosno kapitalnih izdataka po svim osnovama i namjensku strukturu višegodišnjih projekata**. Obzirom da je krajem tekuće godine usvojen Budžet za tekuću godinu, Ministarstvo finansija i trezora će dostaviti saglasnost samo na **namjensku strukturu za višegodišnje projekte**. Ministarstvo finansija i trezora će budžetskim korisnicima stavljati na raspolaganje ukupna sredstva odobrena za kapitalne izdatke iskazane u Budžetu institucija BiH za 2019. godinu i operativnim/dinamičkim planovima korisnika, a korisnici iste mogu koristiti u skladu sa važećim zakonskim i podzakonskim aktima.

Obavijestavaju se korisnici da **za programe posebnih namjena finansirane iz namjenskih sredstva donacija, grantova, udruženih i drugih namjenskih sredstava za koja su ugovorom ili drugim aktom sa donatorima i/ili domaćim i međunarodnim institucijama definisana kapitalna ulaganja Ministarstvo finansija i trezora BiH neće davati saglasnost** na namjensku strukturu za nabavku stalnih sredstava, odnosno kapitalnih izdataka, već su korisnici obavezni isto usaglašavati sa ugovornom stranom.

Takođe, napominje se da budžetski korisnici, koji nisu dostavili **interne procedure za stvaranje obaveza**, kao i budžetski korisnici kod kojih je izvršena izmjena internih procedura i odgovornih lica za stvaranje obaveza, imaju obavezu iste dostaviti Ministarstvu finansija i trezora BiH.

Popunjene tabele operativnog plana potrebno je da dostavite i u elektronskoj formi.

S poštovanjem,

MINISTAR

Vjekoslav Bevanda, s.r.

PRILOG:

- Instrukcije
- Budžet institucija BiH za 2019. godinu
- Tabele za operativne planove (1-5)
- Namjenska struktura za nabavku stalnih sredstava, odnosno kapitalnih izdataka i višegodišnjih projekata